

ABSTRAK

Gejala cetak rompak menjadi semakin panas sejak kebelakangan ini. Kegiatan yang tidak bermoral ini kini menjadi suatu ancaman baru kepada kestabilan dunia penerbitan. Kegiatan yang mencabuli hak milik intelektual ini memberikan kesan buruk kepada pemilik asal sesuatu bahan penerbitan. Melalui kegiatan ini, harta intelektual diguna pakai sesuka hati tanpa mendapat keizinan pemilik asal terlebih dahulu.

Kegiatan mencetak rompak perisian komputer juga merupakan sebahagian daripada gejala ini. Perisian komputer cetak rompak semakin popular penggunaannya terutama di kalangan pelajar institut pengajian tinggi (IPT). Harga perisian tulen yang mahal menyebabkan ada pengguna yang memilih perisian cetak rompak sebagai alternatif.

Dalam kajian ini, penulis menekankan kajian kepada penggunaan perisian komputer cetak rompak di kalangan pelajar institut pengajian tinggi tempatan. Tujuan kajian tidak lain untuk melihat tahap penggunaan perisian komputer cetak rompak di kalangan pelajar seperti yang diperkatakan. Selain itu, kajian juga bertujuan untuk mengenal pasti punca-punca penggunaan perisian komputer cetak rompak di samping cuba menelusuri permasalahan sebenar kegiatan yang semakin berkembang pesat ini.